

Reglamaint da tariffas per survegilaziun durant las vacanzas da scola

Approvo digl cunsegl da scola igls 8 da settember 2020 e vo an vigour per dalunga.

La fixaziun digls scalems da tariffas è dependenta dallas antradas e dalla facultad e succeda an applicaziun digl art. 7 dall'ordinaziun davart la promoziun dalla tgira d'unfants complementara alla famiglia aint igl cantun Grischun.

Basa da scuntrada	<p>Decisivas per erueir la capaciad economica digls responsabels per l'educaziun èn las antradas sottamessas alla taglia tgi èn decisivas per fixar la tariffa plus diesch pertschent dalla facultad sottamessa alla taglia tgi è decisiva per fixar la tariffa tenor las datas fiscalas actualas.</p> <p>Las antradas imputablas da persungas tgi èn sottamessas alla taglia da funtanga vignan calculadas tenor igl artetgel 99 dalla lescha da taglia pigl cantun Grischun digls 8 da zarcladour 1986.</p> <p>Pêrs an concubinat ston neir risguardos scu unitad per la calculaziun dalla capaciad economica.</p>
Facturaziun	<p>La facturaziun succeda antras la Scola Surses siva dalla survegilaziun durant las vacanzas.</p> <p>Mintga de da survegilaziun antschet, scu er deis betg frequentos, pero annunztgias, vignan mess a chint.</p> <p>Schi en infant è absent perveia da malsogna, accident u oters muteivs da pussanzas superiouras sa redutgescha la contribuziun durantchel taimp per 50 %.</p> <p>Schi igl infant ò en attest digl medi an cass da malsogna u accident vignan chels deis betg mess a chint.</p> <p>Igl chint ò da neir paea ainfra 30 deis.</p> <p>Schi igl chint vign betg paea a taimp, instradescha la partiziun da finanzas digl cumegn da Surses en process d'admuniziun.</p>
Autorisaziun	<p>La classificaziun dalla tariffa vign dada ancunaschainta alla Scola Surses antras igl uffezi da taglia digl cumegn da Surses.</p> <p>Igls responsabels per l'educaziun autoriseschan igl uffezi da taglia lotiers cun lour sottascripziuns segl formular «autorisaziun per la fixaziun digl scalem da tariffa».</p> <p>A responsabels per l'educaziun, tgi dattan ni l'autorisaziun ni inoltreschan igls documaints da taglia, vign mess a chint automaticamaintg igl scalem da tariffa D.</p>

Scalems da tariffas per survegilaziun durant las vacanzas da scola

Antrada sottamessa alla taglia plus 10 % dalla facultad sottamessa alla taglia			
scalem A	scalem B	scalem C	scalem D
fr. 0-35'000.—	fr. 35'001.— - 60'000.—	fr. 60'001.— - 90'000.—	a parteir da fr. 90'001.—
fr. 50.—	fr. 60.—	fr. 70.—	fr. 80.—

Igls costs sa tgapeschan per de e per infant. Aint igl prietsch èn inclus igls costs per ena pitschna marena igl avantmezde, igl giantar, ena pitschna marena igl sivamezde ed igls dabever.